

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 114. sjednici, održanoj dana 25.06.2013. godine, d o n o s i

ZAKLJUČAK

I.

Prihvata se Informacija i stav Ministarstva za poljoprivredu, šumarstvo i vodoprivredu po Zaključku Vlade Zeničko-dobojskog kantona broj: 02-26-25888/12 od 21.11.2012. godine.

II.

Zadužuje se JP Šumsko-privredno društvo Zeničko-dobojskog kantona d.o.o. Zavidovići da postupi u skladu sa primjedbama i sugestijama koje su navedene u Izvještaju o izvršenom inspeksijskom pregledu izvršenom od strane Federalne uprave za inspeksijske poslove-Federalnih šumarskih inspektora i Kantonalne uprave za inspeksijske poslove Zeničko-dobojskog kantona-Kantonalnog šumarskog inspektora u periodu od 14.01.do 18.01.2013. godine.

III.

Zaključak stupa na snagu danom donošenja.

Broj: 02-_____ /13.

Datum, 25.06.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x JP Šumsko-privredno društvo Ze-do kantona

d.o.o. Zavidovići, (putem ministarstva),

1x Stručna služba Vlade,

1x a/a.

**Informacija i stav po
Zaključku Vlade Zeničko-dobojskog kantona broj: 02-26-25888/12 od 21.11.2012. godine**

Na nastavku 87 sjednice održane 21.11.2012. godine Vlada Zeničko-dobojskog kantona donijela je Zaključak broj: 02-26-25888/12 od 21.11.2012. godine, kojim se nalaže Skupštini i Nadzornom odboru J.P. Šumsko-privrednog društva Zeničko-dobojskog kantona d.o.o. Zavidovići, da u cilju finansijske kontrole poslovanja za period od 2004. do danas uputi zahtjev Finansijskoj policiji Federacije BiH za preispitivanje poslovanja i Federalnoj i Kantonalnoj šumarskoj inspekciji za provođenje inspeksijskog nadzora analize i ocjene izvršenja planskog gospodarenja šumama i šumskim zemljištem, radi sačinjavanja izvještaja o rezultatima kontrole za navedeni period.

U tački II navedenog Zaključka Ministarstvo za poljoprivredu, šumarstvo i vodoprivredu Zeničko-dobojskog kantona, takođe je zaduženo da u cilju realizacije navedenih zadataka iz tačke I zaključka broj datum gornji uputi zahtjeve za postupanje po istim navedenim organima, te po prijemu izvještaja informiše Vladu Zeničko-dobojskog kantona.

Ministarstvo za poljoprivredu, šumarstvo i vodoprivredu Zeničko-dobojskog kantona, u vezi zaduženja iz tačke II navedenog Zaključka Vlade Zeničko-dobojskog kantona, u prilogu akata broj: 05-26-25888-1/12, 05-26-25888-2/12 i 05-26-25888-3/12 od 06.12.2012. godine, Skupštini i Nadzornom odboru J.P. „ŠPD ZDK“ d.o.o. Zavidovići, Federalnom ministarstvu finansija-Finansijskoj policiji FBiH i Federalnoj upravi za inspeksijske poslove-Federalnom šumarskom inspektoratu, kao i Kantonalnoj upravi za inspeksijske poslove Zeničko-dobojskog kantona-Kantonalnom šumarskom inspektoratu, dostavilo je Zaključak Vlade Zeničko-dobojskog kantona broj: 02-26-25888/12 od 21.11.2012. godine, radi postupanja po istom i dostavljanja izvještaja o rezultatima kontrole za navedeni period, u cilju informisanja Vlade Zeničko-dobojskog kantona.

Ministarstvo za poljoprivredu, šumarstvo i vodoprivredu Federalnom ministarstvu finansija-Federalnoj policiji FBiH, uputilo je Urgenciju broj: 05-26-2588842/12 od 17.04.2013. godine, radi dostavljanja izvještaja o rezultatima izvršene kontrole u J.P. Šumsko-privrednom društvu Zeničko-dobojskog kantona d.o.o. Zavidovići.

U vezi sa navedenim, Federalna uprava za inspeksijske poslove-Inspektorat šumarske inspekcije u prilogu akta broj: 13-26-5-00013/2013-1301-5 od 23.01.2013. godine, dostavila je Izvještaj o izvršenom inspeksijskom pregledu, koji je izvršen od strane Federalnih šumarskih inspektora Federalne uprave za inspeksijske poslove i Kantonalnog šumarskog inspektora-Kantonalne uprave za inspeksijske poslove Zeničko-dobojskog kantona u periodu od 14.-18.01.2013. godine, u J.P. Šumsko-privrednom društvu Zeničko-dobojskog kantona d.o.o. Zavidovići.

Između ostalog u Izvještaju o izvršenom inspeksijskom pregledu, koji je izvršen u periodu od 14.-18.01.2013. godine, u J.P. Šumsko-privrednom društvu Zeničko-dobojskog kantona d.o.o. Zavidovići, navedeno je:

Da J.P. Šumsko-privredno društvo Zeničko-dobojskog kantona d.o.o. Zavidovići na području Zeničko-dobojskog kantona posluje u okviru pet (5) Šumskogospodarskih područja **ukupne površine 179.081,90 ha i to:**

- Šumskogospodarsko područje „Olovsko“, ukupne površine 31.384,40 ha,
- Šumskogospodarsko područje „Gornjebosansko“, ukupne površine 29.725,20 ha,
- Šumskogospodarsko područje „Kakanjsko“, ukupne površine 19.181,70 ha,
- Šumskogospodarsko područje „Krivajsko“, ukupne površine 83.861,50 ha i
- Šumskogospodarsko područje „Natron-Usorsko-Ukrinsko“, ukupne površine 14.929,10 ha.

Za Šumskogospodarska područja „Olovsko“ i „Krivajsko“ donesene su nove Šumskogospodarske osnove sa važnošću od 01.01.2012. do 31.12.2021. i od 01.01.2013. - 31.12.2022. godine. Zbog nepostojanja Zakona o šumama novoizrađene osnove nisu prošle proceduru usvajanja, tj. nisu na snazi, ali J.P. Šumsko-privredno društvo Zeničko-dobojskog kantona šumama i šumskim zemljištem gospodari na osnovu istih.

Za analizirani period od 2004.-2012. godine J.P. Šumsko-privredno društvo je gospodarilo na osnovu izrađenih Šumskogospodarskih osnova za:

- Šumskogospodarsko područje „Olovsko“ sa važnošću od 01.01.2002.-31.12.2011. godine,
- Šumskogospodarsko područje „Gornjebosansko“ sa važnošću od 01.01.2003.-31.12.2012.godine i
- Šumskogospodarsko područje „Kakanjsko“ sa važnošću od 01.01.2003.-31.12.2012. godine.

Za Šumskogospodarsko područje „Krivajsko“ gospodarilo se na osnovu godišnjih planova do 01.01.2007. godine, kada je donesena Šumskogospodarska osnova sa važnošću do 31.12.2016. godine, a za dijelove Šumskogospodarskog područja „Natron“ i „Usorsko-Ukrinsko“, kojim gospodari društvo do donošenja osnove 01.01.2008. godine, gospodarilo se godišnjim planovima. Ova dva dijela područja su Odlukom nadležnog organa spojena u jedno područje sa nazivom Šumskogospodarsko područje „Natron-Usorsko-Ukrinsko“. Napomenuto je da je potrebno da se ovakva procedura spajanja treba provesti i na druga Šumskogospodarska područja na kojima je došlo do promjena granica uslijed razgraničenja šuma i šumskog zemljišta po osnovu administrativnih granica kantona.

U segmentu iskorištavanja šuma (izvršene sječe u periodu 2004.-2011. godine) konstatovano je: da Društvo po obimu sječe nije izvršilo prethvat ni na jednom Šumskogospodarskom području u odnosu na dozvoljeni obim sječa, tj. godišnji obim sječa ne prelazi predviđeni godišnji etat iz Šumskogospodarskih osnova. Međutim može se postaviti pitanje prijelaznih zaliha, iz razloga jer je na tri Šumskogospodarska područja (Olovsko, Gornjebosansko i Kakanjsko) **iskazan prijelaz od 758.409 m³, doznačene a neposječene drvene mase**, dok za ostale dijelove u iskazima sječa koji se nalaze u sjedištu društva nema podataka o doznačenoj a neposjećenoj drvnoj masi u zbirnoj rekapitulaciji za pojedina Šumskogospodarska područja, što je praksa da se ovaj podatak iskazuje.

Potrebno izvršiti detalju analizu prijelaznih zaliha sa aspekta da li su iste posječene u rokovima važenja izvedbenih projekata ili je zaliha ostala neposječena i koji su razlozi relativno velikog broja doznačene a neposječene drvene mase.

Može se ukazati na nepoštivanje odredaba izvedbenih projekata ako je masa ostala u odjelima neposječena, kao i činjenica da se prilikom radova na eksploataciji izostavlja masa koja je lošijeg kvaliteta, odnosno dijelovi odjela u kojem je doznačena masa manjeg prsnog prečnika.

U dijelu tehničkog prijema radova nakon izvršene sječe potrebno je izvršiti analizu planiranog i ostvarenog asortimana proizvodnje šumskih drvnih sortimenata s ciljem da se utvrdi da li je iskazani asortiman iz osnova realan ili je došlo do pada učešća vrijednih drvnih sortimenata u odnosu na ostvarene ili iz nekih drugih razloga, pošto je na osnovu uzoraka zapisnika o tehničkom prijemu uočeno da se kvalitetne klase po projektu i otpremi znatno razlikuju.

Obim bespravnih sječa od 100.930 m³ krupnog drveta koji je evidentiran kroz iskaz sječa prema iskustvenim pokazateljima, a u odnosu na praksu kojom je do sada utvrđeno, da je obim bespravnih sječa znatno veći od iskazanih, te zbog navedenog društvo mora povesti računa u sprječavanju bespravnih sječa kroz realizaciju obaveza integralne zaštite šuma, kako ne bi došlo u situaciju da izgubi jedan cijeli sječivi etat po osnovu ovih radnji.

Kontrolom određenog broja provedenih postupaka javnog nadmetanja za kupovinu gotovih šumskih drvnih sortimenata kako na centralnim stovarištima tako i u šumi na panju može se konstatovati da je društvo kroz ovakav način prodaje ostvarilo bolje poslovne rezultate nego prodajom na drugi način, pa se ovom prilikom sugerise da se ovakav vid prodaje pokuša u zavisnosti od uvjeta na tržištu preferirati što više. Uz napomenu da društvo mora uskladiti Pravilnik o postupku prodaje drvnih sortimenata putem javnog nadmetanja-licitacije sa Odlukom o načinu prodaje šumskih drvnih sortimenata porijeklom iz državnih šuma na teritoriji Federacije Bosne i Hercegovine („Službene novine Federacije BiH“, broj: 52/09 i 25/10), na način da treba računati rezervnu/minimalnu cijenu shodno članu 8. spomenute Odluke.

U segmentu licitacije koje se odnose na pogađanje radova na iskorištavanju šuma, slučajnim odabirom kontrolisan je određeni broj ugovorenih poslova na sječi i izvozu šumskih

drvnih sortimenata. Utvrđeno je da Društvo provodi licitaciju na propisan način kada je u pitanju Zakon o javnim nabavkama uz napomenu da se u određenim slučajevima potpisao ugovor sa izvođačem radova, a da isti ne posjeduje odobrenje za obavljanje djelatnosti izvođenje radova u šumarstvu.

Sa aspekta šumarstva, kada je u pitanju utvrđivanje uslova za obavljanje radova, odnosno utvrđivanje kategorije terena za sječu i izvoz šumskih drvnih sortimenata, potrebno je obratiti pažnju da se kategorije u projektima za izvođenje utvrđuju na naučno zasnovanim metodama, a pogotovo kod utvrđivanja srednje distance primicanja jer ovi elementi znatno utiču na konačnu cijenu radova u fazi sječe, izrade, primicanja, privlačenja i izvoza šumskih drvnih sortimenata.

Takođe je primijećeno da društvo ne provodi licitaciju zaustupanje poslova izvođenja šumsko-uzgojnih radova, nego iste obavlja po principu angažovanja privremene radne snage.

Potrebno je i ovaj dio poslova pokušati ustupati na osnovu javne licitacije, pošto isti učestvuju sa većim procentom u troškovima pa tek koliko se pokaže da raspisani tenderi ne daju željene rezultate mogu se ovi poslovi obaviti na način kako je to do sada rađeno.

Godišnja obaveza društva provođenja šumsko-uzgojnih radova po Šumskogospodarskim osnovama i Šumskogospodarskim područjima je **696,2 ha/god.** (što se odnosi na pošumljavanje sa popunjavanjem i kompletiranje prirodnog podmlatka) i njegu kultura sa njegom prirodnog podmlatka je **1.079,68 ha/god.**

Ukupno za period 2005.-2011. godina u šumsko-uzgojne radove uloženo je **7.085.476,20 KM**, dok je po Šumskogospodarskim osnovama predviđeno ulaganje od **19.952.121,00 KM**, što predstavlja **35,5 %** od planiranog.

Obaveza prosječnog godišnjeg ulaganja u šumsko-uzgojne radove po Šumskogospodarskim osnovama na nivou cijelog društva iznosi **2.850.303,00 KM**, a ulagano je **1.012.210,90 KM** ili **35,5 %**, dok su u 2012. godini prema nezvaničnim podacima, ulaganja u navedene radove još manja od propisanih odredbama Šumskogospodarskih osnova.

Za period 2005.-2009. godina, J.P. Šumsko-privredno društvom izvršilo je sadnju **5.102.131 komada četinarskih sadnica** i **999.465 komada liščarskih sadnica**, za podsijavanje u sastojinama utrošeno je **763 kg sjemena četinara** i **2 kg liščara**, što iznosi **72 %** od predviđenih radova po odredbama iz Šumskogospodarskih osnova.

U 2010. godini izvršena je sadnja **652.295 komada četinarskih sadnica** i **71.022 komada sadnica liščara**, te za podsijavanje u sastojinama je utrošeno **173,7 kg sjemena**. Iste količine su utrošene i u 2011. godini, što je za **2.000.000 komada** manje od planiranog.

Opšta konstatacija je da su šumsko-uzgojni radovi u promatranom periodu znatno manji od predviđenih, kako po odredbama Šumskogospodarskih osnova tako i po propisima koji su važili za dati period, što može imati značajne posljedice u daljem gospodarenju šumskim resursima.

Na nivou J.P. Šumsko-privrednog društva Zeničko-dobojskog kantona postoje četiri (4) rasadnika, čiji ukupni kapacitet proizvodnje sadnog materijala iznosi **8.390.000 komada** sadnica u godini, a stvarna godišnja proizvodnja iznosi **3.909.881 komada** što je **46,6 %** od ukupnog kapaciteta rasadnika.

U sredstva opreme za rasadničku proizvodnju investirano je **62.826,00 KM** ili **13,6%**, od predviđenog ulaganja od **458.644,00 KM**.

Godišnje potrebe sadnog materijala društva za cjelokupnu površinu kojom gospodari iznosi **1.692.154 komada** sadnica. Evidentirani prihod od prodaje sadnica i sjemena je iznosio **83.770,00 KM**, što je manje od planiranog po Šumskogospodarskim osnovama. J.P. Šumsko-privredno društvo Zeničko-dobojskog kantona uništilo je zbog preraslosti **2.573.885 komada sadnica**.

Po osnovu prihoda od sporednih šumskih proizvoda (nedravnih šumskih proizvoda) nije prikazan nikakav prihod, dok je u oblasti lovstva prikazan prihod od **68.772,00 KM**. Prema Šumskogospodarskim osnovama planirani prihodi iz navedenih djelatnosti predviđeni su u iznosu od **305.100,00 KM**.

Odredbama iz Šumskogospodarskih osnova za zaštitu šuma bilo je predviđeno ulaganje od **163.200,00 KM** na godišnjem nivou, dok je u promatranom periodu po osnovu zaštite šuma od požara utrošeno **263.813,00 KM** za nabavku zaštitnih sredstava i **127.594,23 KM** za nabavku

opreme za sprječavanje širenja zaraznih bolesti i šumskih štetočina. Plan zaštite ostvaren je sa **34,26 %**.

Kroz registar šumskih požara evidentirane su direktne štete na šumama i šumskim zemljištima u iznosu od **4.144.760,21 KM**.

Prema odredbama propisa koji su bili na snazi Zakon o šumama i Uredba o šumama u promatranom periodu zaštita šuma je povjerena Kantonalnoj upravi za šumarstvo Zeničko-dobojskog kantona, pa je ocjenjivanje stanja u oblasti zaštite šuma teško iznijeti bez sagledavanja obima poslova koje je u oblasti zaštite šuma izvršila Kantonalna uprava za šumarstvo.

Opća primjedba u dijelu izvršenih obaveza po osnovu šumsko-uzgojnih radova je da su radovi u ovom segmentu ispunjeni u manjem obimu koji je predviđen Šumskogospodarskim osnovama, godišnjim planovima gospodarenja i važećim zakonskim propisima iz navedenog perioda.

J.P. Šumsko-privredno društvo Zeničko-dobojskog kantona d.o.o. Zavidovići na osnovu odredbi članova 25., 26., 27. i 60. Zakona o šumama („Službene novine FBiH“, broj: 20/02, 29/03 i 37/04) vršilo je obračun sredstava za prostu i proširenu reprodukciju šuma u periodu od 2005.-27. novembra 2009. godine.

J.P. Šumsko-privredno društvo Zeničko-dobojskog kantona d.o.o. Zavidovići sredstva proste i proširene reprodukcije šuma nije obračunavalo po ostvarenom prihodu po Šumskogospodarskim područjima (kako je to propisano članom 26. Zakona o šumama) nego je prihod obračunavalo po Poslovnim jedinicama „Šumarijama“.

Društvo je u 2005. godinu ušlo sa dugom od **7.252.665,02 KM** za prostu reprodukciju i **426.363,07 KM** za proširenu reprodukciju šuma. Navedena sredstva po izjavi predstavnika društva su preneseni dug iz Šumarija koje su ušle u sastav Kantonalnog Šumsko-privrednog društva, a po osnovu diobenog bilansa bivših preduzeća šumarstva

Takođe, na prelazu između 2006. u 2007. godinu dug za prostu reprodukciju je uvećan za **1.952.027,81 KM**, kao naslijeđena zakonska rezervisanja iz Poslovne jedinice „Šumarije“ Vareš, tako da ukupni dug društva, zaključno sa 2009. godinom, po osnovu sredstava za prostu reprodukciju iznosi **9.367.648,31 KM**, iako je navedeno društvo u 2005., 2006., 2007., 2008. i 2009. godini, prikazivalo utrošak-realizaciju sredstava za prostu reprodukciju šuma u približno istom iznosu prema utvrđenoj (obračunatoj) obavezi po pojedinoj godini, ukupan dug je uvećan.

Navedeni iznos sredstava trebao je biti utrošen za prostu reprodukciju šuma ali do dana inspeksijskog pregleda J.P. Šumsko-privredno društvo Zeničko-dobojskog kantona d.o.o. Zavidovići nije poduzelo aktivnosti da se ova obaveza izvrši ili smanji ukupan iznos.

Predstavnici društva su izjavili da je najveći dio ovih obaveza prenesen po diobnom bilansu sa Privrednim društvom IP „Krivaja“ d.o.o. Zavidovići, koje je do formiranja Kantonalnog šumsko-privrednog društva Zeničko-dobojskog kantona d.o.o. Zavidovići gospodarilo na Šumskogospodarskom području „Krivajsko“.

Po pitanju sredstava proširene reprodukcije šuma, koja su prema Zakonu o šumama trebala biti uplaćena u namjenski fond Zeničko-dobojskog kantona, obaveza za period 2005.-do kraja 2009. godine narasla je od **426.363,07 KM** do **2.942.009,58 KM**, iako je u navedenom periodu u Budžet Zeničko-dobojskog kantona uplaćeno **816.993,62 KM**.

Po pitanju sredstava za općekorisne funkcije šuma (0,07%), predstavnici društva su izjavili da su u toku 2005. i dijela 2006. godine finansirali službu zaštite državnih šuma zato što ista nije bila formirana u Kantonalnoj upravi za šumarstvo Zeničko-dobojskog kantona, a koja se treba finansirati sa namjenskog računa Budžeta Zeničko-dobojskog kantona.

Prema izjavi predstavnika, društvo se u ovom navedenom periodu obraćalo Kantonalnom ministarstvu za poljoprivredu, šumarstvo i vodoprivredu i Kantonalnoj upravi za šumarstvo Zeničko-dobojskog kantona sa inicijativom da se društvu refundira trošak čuvanja šuma ili odobri umanjeње obaveza uplate sredstava za proširenu biološku reprodukciju šuma.

S obzirom da J.P. Šumsko-privredno društvo Zeničko-dobojskog kantona d.o.o. Zavidovići sa krajem 2009. godine ima uknjižen **dug za prostu reprodukciju šuma od 9.367.648,31 KM i 2.942.009,58 KM za proširenu reprodukciju šuma**, neophodno je da društvo od Federalnog ministarstva poljoprivrede, vodoprivrede i šumarstva Sarajevo i

Kantonalnog ministarstva za poljoprivredu, šumarstvo i vodoprivredu Zeničko-dobojskog kantona zatraži mišljenje na koji način može izmiriti obaveze nastale korištenjem državnih šuma.

U toku 2010. i 2011. godine u Federaciji Bosne i Hercegovine bila je na snazi Uredba o šumam („Službene novine FBiH“, broj: 83/09, 26/10, 38/10 i 60/11) kojom je korisniku državnih šuma određena obaveza plaćanja naknada za korištenje državnih šuma u visini od 7 % od ostvarenog prihoda od drveta računajući cijenu drveta na panju i nedrvnih šumskih proizvoda.

J.P. Šumsko-privredno društvo Zeničko-dobojskog kantona d.o.o. Zavidovići po osnovu naknada za korištenje državnih šuma i šumskog zemljišta u visini od 7 % od ostvarenog prihoda od drveta računajući cijenu drveta na panju i nedrvnih šumskih proizvoda, za 2010. i 2011. godinu naknadu za korištenje državnih šuma i šumskog zemljišta za općine je obračunalo u ukupnom iznosu od **1.550.533,80 KM (3%)**, te je obračunalo i naknadu koju treba uplatiti u Budžet Federacije BiH u iznosu od **310.106,76 KM (1%)** i Budžet Zeničko-dobojskog kantona u iznosu od **310.106,76 KM (1%)**.

Za 2012. godinu J.P. Šumsko-privredno društvo Zeničko-dobojskog kantona d.o.o. Zavidovići je naknadu za korištenje državnih šuma, iako je prestala da važi Uredba o šumama, čija sredstva po izjavi predstavnika društva će se u Bilansu uspjeha računovodstvenog izvještaja za 2012. godinu tretirati kao rezervisani troškovi naknada, a do proglašenja zakonskog propisa kojim će se u Federaciji BiH urediti oblast šumarstva.

U toku 2010. godine J.P. Šumsko-privredno društvo Zeničko-dobojskog kantona d.o.o. Zavidovići je po dogovoru sa Ministarstvom za poljoprivredu, šumarstvo i vodoprivredu, a po osnovu razduženja obaveza uplate sredstava za proširenu reprodukciju šuma, uplatilo na račun općina Zeničko-dobojskog kantona iznos od **70.000,00 KM**, te je ostatak obaveza po ovom osnovu **2.872.009,58 KM**. Po osnovu naknada za korištenje državnih šuma navedeno društvo je u toku 2010. godine uplatilo ukupan iznos od **20.000,00 KM** na račun općina Zeničko-dobojskog kantona.

Takođe u 2011. godini po osnovu naknada za korištenje državnih šuma društvo je uplatilo općinama Zeničko-dobojskog kantona ukupno **245.000,00 KM**, a u 2012. godini ukupno **505.500,00 KM**.

Ukupna neplaćena obaveza društva prema općinama Zeničko-dobojskog kantona iznosi **780.033,80 KM, po osnovu naknada za korištenje državnih šuma.**

U Budžet Federacije Bosne i Hercegovine i u Budžet Zeničko-dobojskog kantona J.P. Šumsko-privredno društvo Zeničko-dobojskog kantona d.o.o. Zavidovići u proteklom periodu nije uplaćivalo naknadu za korištenje državnih šuma.

Federalno Ministarstvo finansija-Financijska-Financijska policija, Odsjek za inspekcijski nadzor Zenica, shodno aktu Ministarstva za poljoprivredu šumarstvo i vodoprivredu broj: 05-26-25888-2/12 od 06.12.2012. godine i urgenciji broj: 05-26-2588842/12 od 17.04.2013. godine, kojim je zatražena kontrola finansijskog poslovanja za period od 2004. godine pa do danas kod J.P. Šumsko-privrednog društva Zeničko-dobojskog kantona d.o.o. Zavidovići, aktom broj: 400-133-3/12 od 26.04.2013. godine, obavijestilo je Ministarstvo: da je akt ovog Ministarstva od 06.12.2012. godine zaprimljen u Glavnom inspektoratu Finansijske-Financijske policije Federacije Bosne i Hercegovine u Sarajevu dana 12.12.2012. godine, koji je dana 18.12.2012. godine proslijeđen Odsjeku za inspekcijski nadzor Zenica.

Navedeni akt je unesen u Prijedlog plana rada Odsjeka za inspekcijski nadzor Zenica za mjesec januar 2013. godine, koji je odobren od strane Glavnog inspektora.

Po navedenom aktu se nije postupalo, obzirom da su inspektori Finansijske-Financijske policije, Odsjek za inspekcijski nadzor Zenica, u periodu 2012. godine i 2013. godine angažovani na kontrolama po nalogu Vlade Federacije Bosne i Hercegovine, Kantonalnog tužilaštva Kantona Sarajevo, Agencije za privatizaciju, Glavnog inspektora Finansijske-Financijske policije u firmama: „Bosnalijek“ d.d. Sarajevo, Fabrika duhana Sarajevo, JP „BH POŠTA“ Sarajevo, „BH GAS“ d.o.o. Sarajevo, „Feroelektro“ d.d. Sarajevo, „Zovko oil“ d.o.o. Žepče, GP „Gradnja“ Zenica i druge.

Po okončanju jedne od naprijed navedenih kontrola, inspektori će biti upućeni u planiranu kontrolu po zahtjevu Ministarstva za poljoprivredu, šumarstvo i vodoprivredu Zeničko-dobojskog kantona.

Brojčani podaci koji su izneseni u stavovima ove informacije, koji se odnose na: površine Šumskogospodarskih područja, izvršenim sječama, šumsko-uzgojnim radovima i izdvajanju sredstava proste i proširene reprodukcije šuma i naknada za korištenje državnih šuma, tabelarno su prikazani u Izvještaju o izvršenom inspekcijskom pregledu u J.P. „ŠPD ZDK“ d.o.o. Zavidovići, koji čini sastavni dio ove informacije.

Stav Ministarstva za poljoprivredu, šumarstvo i vodoprivredu je da J.P. Šumsko-privredno društvo Zeničko-dobojskog kantona d.o.o. Zavidovići, treba postupiti u skladu sa primjedbama i sugestijama koje su navedene u Izvještaju o izvršenom inspekcijskom pregledu izvršen od strane Federalne uprave za inspekcijske poslove-Federalnih šumarskih inspektora i Kantonalne uprave za inspekcijske poslove Zeničko-dobojskog kantona-Kantonalnog šumarskog inspektora u periodu od 14.01.do 18.01.2013. godine, a da će stav po pitanju finansijskog poslovanja dati kada se dostavi izvještaj Finansijske policije o izvršenoj kontroli.

Prolozi: - Akt Federalne uprave za inspekcijske poslove Sarajevo–Inspektorat šumarske inspekcije broj: 13-26-5-00013/2013-1301-5 od 23.01.2013. godine sa Izvještajem o izvršenom inspekcijskom pregledu u J.P. „ŠPD ZDK“ d.o.o. Zavidovići.
- Obavijest Federalnog ministarstva finansija-Finansija-Financijska policija, Odsjek za inspekcijski nadzor Zenica broj: 400-133-3/12 od 26.04.2013. godine.

Obrađivač:

Amira Jusufbašić

MINISTAR

Bojan Bošnjak